

est allitterationis similis ei, quae cant. 18. c. d. inter utrumque ver-
sum intercedit.

Sed haec hactenus dicta sint de hac concinentia, quam यमक, gemi-
nationem, dicunt metrici, cuilibet diversitati nomen suum imponen-
tes et hunc in modum eam definientes: यमकमाह । स्वरस्य कम्पो यमकः श्रोतृचित्तसुखावहः ।
तस्य प्रभेदस्त्रिविधः स्फुरितः कम्पितस्तथा । etc. Decem genera contra ponit Wilso s. v.
Res est, quae in iusta versuum Indicorum doctrina et accuratius et
uberius debet tractari. Eis quae adumbravi utantur qui eam rem
mox molituros esse spero.

VII. Non multa sunt quae de hac editione monenda habeam.
Textum constitui ad fidem librorum manuscriptorum, neglecta prorsus
editione a Baburâma curata, A. S. 1808. Calcuttae. Tenet ea textum
criticis praesidiis omnino nudum foll. 33. octt. oblongg. Siglo S. eam
distinxi. Ad scripturam codicum emendandam adhibui, uti par erat,
tum scholia, tum grammaticas et metricas rationes; semel bisve tantum
opus erat coniecturis, de quibus tum in varietate scripturae, tum in
annotatione certiore feci lectorem. Negotium est in universum difficulta-
tis haud magnae, manum recentiorum horum poetarum genuinam resti-
tuere talem, qualem eam ante oculos habuere enarratores indigenae,
modo eorum commentarios accurate exaratos consulere nobis liceat.
Prima est haec, sed inferior negotii pars; qua absoluta, diiudicandae
remanent tum scripturae variae, quas laudant scholiastae, nulla adiecta
crisi; rarissime enim aliud quid addunt, quam formulam अथवा पाठः vel इति
पाठे et interpretationem; tum loci quidam pauciores, quos insimulare
nequit non crisis accuratior depravationis, licet latuerit illa scholiastas
indigenas. Quae operis pars altioris est indaginis. Textum exhibui
talem, qualis evasit absoluta priori illa criseos parte; quae ad postero-
rem pertinerent, annotationi exponenda et tractanda seposui. Conge-
rendam semper esse totam variae scripturae nubem ex libris reor; exhi-
bui etiam ad calcem textus, quamvis in recentioribus hisce poetis,
grammatica, versu, enarratione popularium a corruptela satis ple-
rumque tutis, operae pretium id non censeam; at nolui incurrere in